

華東卷

【上編】



地

方

志

人

物

傳

記

資料叢刊

國家圖書館編

北京圖書館出版社

【華東卷】

上編

第七六冊

地方志人物傳記資料叢刊

國

家

圖

書

館

編

北京圖書館出版社

第七十六冊目錄

(民國)閩侯縣志

列傳(一)		一
列傳(二)上		二
閩縣		
懷安附		
列傳(二)下		一四
侯官		
列傳(三)		二三
列傳(四)上		二三
閩縣		
列傳(四)下		三五
侯官		
列傳(五)上		四五
閩縣		
列傳(五)下		六二
侯官		
儒林		八三
閩縣		

侯官		九〇
文苑(上)		九三
閩縣		
文苑(下)		一〇五
侯官		
儒行(一)上		一一七
閩縣		
儒行(一)下		一一九
侯官		
儒行(二)		一二〇
儒行(三)		一二一
儒行(四)上		一二二
閩縣		
儒行(四)下		一二六
侯官		
循吏(一)		一三二
循吏(二)		一三二
閩縣		
循吏(四)		一三八
侯官縣		
循吏(五)上		一四〇
閩縣		

循吏(五)下		一五二	隱逸(上)		一九八
侯官			閩縣		
節義(上)		一六四	隱逸(下)		二〇〇
閩縣			侯官		
節義(下)		一六八	名宦(上)		二〇三
侯官			閩縣		
孝義(上)		一七一	名宦(下)		二〇五
閩縣			侯官		
孝義(下)		一八四	懷安附		二〇六
侯官			方外		二〇七
懷安附		一九二	流寓		二〇九
藝術(上)		一九三			
書					
畫					
音樂		一九五	列傳(一)		二一三
藝術(下)		一九五	宦績		
醫			列傳(二)		二一九
術數		一九七	武功		
堪輿			列傳(三)		二二六
雕刻		一九八	忠烈		
製造			列傳(四)		二三一
拳勇			孝友		
			列傳(五)		二三九

(道光)廈門志

義行		二四二
列傳(六)		二四二
文學		二四二
列傳(七)		二四八
隱逸		二四八
列傳(八)		二五〇
寓賢		二五〇
列傳(九)		二六一
方技		二六一
列傳(十)		二六二
方外		二六二

(民國)同安縣志

思明州開府人物類錄		二六五
鄉賢錄		二七三
儒林錄		二九六
武功錄		二九八
文苑錄		三一一
獨行錄		三一九
孝友錄		三三〇
忠義錄		三三六

(民國)建陽縣志

循吏錄		三四七
墾荒錄		三五五
方技錄		三六〇
寓賢錄		三六二
方外錄		三六四
列傳		三六九
名臣		三六九
理學		三七四
宦績		三八二
武功		三八九
儒林傳		三九一
文苑傳		三九四
獨行傳		三九八
孝友傳		四〇〇
忠義傳		四〇三
義行附		四〇六
循吏傳		四〇九
方技傳		四一二
流寓傳		四一四
方外傳		四一九

(民國)建甌縣志

列傳.....四二三

唐

五代

宋

元

明

清

孝友

獨行

循吏

忠義

儒林

文苑

方伎

流寓

方外

(光緒)續修浦城縣志

理學

政績

文苑

五〇三
五〇九
五六四

忠節.....五七五

孝義.....六一八

懿行.....六三五

隱逸.....六三七

技術.....六三九

寓賢.....六四三

(乾隆)海澄縣志

人物志.....六四九

選舉

勳爵.....六七五

封典.....六七六

任子.....六七八

眉壽.....六七九

唐名賢列傳.....六八四

宋名賢列傳

明人物列傳.....六八八

明列傳.....六九六

明人物補傳.....七〇六

清朝列傳.....七〇八

(光緒)漳浦縣志

人物志(上) 七二五

縉紳

人物志(下) 七四三

韋布

閭巷 七四五

僑寓 七四六

方技 七四七

閨閣 七四七

方外 七五一

列傳(一) 七五五

宦績

列傳(二) 七六三

卓行

列傳(三) 七六七

忠義

(民國)雲霄縣志

閩侯縣志卷六十二

列傳一

陳

陳寶應侯官人父羽有材幹為郡雄豪寶應性反覆多變詐梁代晉安數反累殺郡將羽初並弱後復為官軍鄧尋破之由是一郡兵權皆已出侯景之亂晉安太守蕭雲以郡讓羽羽年老但治郡事令寶應典兵是時東境饑饉寶應自海道寇臨安永嘉及會稽餘姚諸暨又載米粟與之寶易由是士眾翕然陳高祖初先輔政羽求傳郡于寶應高祖許之紹泰元年授壯武將軍晉安太守尋加員外散騎常侍二年封侯官縣侯邑五百戶高祖受禪授持節散騎常侍信武將軍閩州刺史領會稽太守世祖嗣位進號宣毅將軍又加其父光祿大夫仍命宗正錄其本系編為宗室寶應娶留異女為妻侯安都之討異也寶應遺助之又資周廻兵糧出寇臨川世祖因命章昭達余孝順都督眾軍討寶應寶應據建安水陸為拂照

侯縣志六十二 列傳一

達不與戰但命軍士伐木為礮候而水盛乘流放之突其水棚仍水步薄之寶應眾潰而成就執并其子弟二十人送都斬于建康市

唐

謝顯字子明閩縣人咸通末舉進士不第因留長安廣明初黃巢陷長安朱溫為巢僞行營先鋒使曉遂投溫門下溫與河東節度使王重榮戰屢敗請兵於巢數為僞右軍都尉孟楷所抑顯因說溫曰黃家起於草莽非有功德與王之業將軍力戰於外而庸人制之於內此豈足與成事哉今天子在蜀諸鎮之兵日以收復為名唐德未厭惟將軍圖之溫然其言遂定策殺僞監軍使嚴翼自歸重榮表曉為檢校屯田員外郎令奉表於蜀僖宗大悅授朝散大夫太子率更令除陵州刺史改檢校右散騎常侍龍紀二年至東京賜第墅各一區錢千緡表為亳州團練使兼太清宮副使加檢校工部尚書是年冬溫征淮南過郡因求侍府幕表為宣議軍節度副使充兩使留後曉在滑十三年部內墾戶約五萬益兵數千人累遷至

大中大夫檢校右僕射卒於滑

案曉雖黨朱溫然官於唐卒於唐時溫尚未篡也道光志以入五代未

協移附唐末

五代

沈崇字百甫閩縣人祖駱大理評事賜緋父超福州長溪縣令乾寧二年刑部尚書崔凝主禮闈凡二十五人登進士第昭宗御武德殿命翰林學士陸贄秘書監馮渥親覆試凡落十人是日崇再以章奏捷歸途由淮甸淮帥辟之不就過臨安錢鏐先聞其名遂留為鎮海軍掌書記恩授浙西營田副使奏授秘書監檢校兵部尚書右僕射凡書檄奏奏多崇所出莊宗即位改元同光武肅王聞其祚修短崇曰觀此號為國不成止一口耳文穆王襲位置擇能院以選士俾崇主之國建拜崇丞相終諡文獻有錄金集二十卷

案閩書松乾寧三年丙辰狀元

閩侯縣志六十二 列傳一

黃諷侯官人仕閩王昶為諫議大夫以昶淫暴與妻子辭訣入見昶欲杖之諷曰臣若迷國不忠死亦無怨直諫被杖死不受也賜為民而歸

林鼎字漢文閩縣人父無隱有詩名寓居明州之慈溪大隱村生鼎初刺

史黃晟頗好禮士無隱依之嘗為詩云雪消二月江湖闊花發千山道路

善知言者以無隱必有貴子鼎初謁錢武肅王鏐以為觀察押衙尋為文

穆王幕府文穆王以其才行累薦不見用一日復密薦之武肅王曰我觀

林鼎骨法真輔相器然我不貴者欲汝貴之庶其盡心於汝也文穆襲國

署鎮海軍掌書記節度判官鼎性謹正而強記能書歐虞法比及中年夜

讀書必達曙國建乃掌教令尋拜丞相每政事有不逮者鼎必極言之天

福中建州之役鼎指陳天文人事案疏切諫及師行果不利終年五十四

諡曰貞獻有文集二十卷

謝文節福州人為南唐都虞侯饒州團練使以驍勇聞周世宗南征文節

獨援甲渡江潛視敵壘入號為鐵龍後守鄂州拒宋師戰沒子德權以父

死事署莊宅副使後歸宋

閩侯縣志 六二 列傳一

閩侯縣志卷六十三

列傳二上

閩縣

宋

謝德權字士衡父文節仕閩為侯官令仕南唐守鄂州拒宋師戰歿德權以父死事得署莊宅副使歸宋補殿前承旨遷殿直出為陝西巡檢咸平二年宜州蠻叛德權從陳堯叟經度其事單騎諭之皆聽命堯叟上德權功加閩門祇候授廣韶英雄通贊六州都巡檢使代歸提點京城倉草場先是唐積患地卑濕德權累為臺藉之遂無敗腐京城備巷狹隘詔遣德權廣其制德權先撤費要邸舍呈議紛然有詔止勿行德權面奏曰臣已受命不可中止今沮事者皆權豪華利儻耳真宗從其請凡衢巷廣袤皆復長安舊制自後無復侵占德權清苦幹事見官吏徇私者雖纖微不少恕以是為朝論所嫉兇人劉華僧澄雅訟執政與許州民陰搆西夏

閩侯縣志 六三 列傳二上

為叛詔溫仲舒謝泌鞫問令德權監之既而按驗無狀泌請追攝大臣獄狀乃具德權曰泌欲陷大臣耶若使大臣無罪而受辱則人君何以使臣臣下何以事君仲舒進曰德權所奏甚善真宗可之六年遷供奉官命築新樂縣城復命浚北平砦浚兼葑蒲陰城德權一日乘傳詣闕求對奏曰前歲契丹犯境傳喬閉壘自固康保裔被擒王師未有勝捷臣以為今歲契丹必寇內地邊兵聚屯一處非便利願速分戍鎮定高陽三路天雄城壘闊遠請詔慰之仍葺澶州北城浚德清軍墜塹以為備真宗曰此大事非爾所當言德權曰臣蒙恩驅策官萬死求見願陛下留意臣實慮蒲陰工作未訖寇必暴至矣真宗慰遣之既而契丹果圍蒲陰景德中命提總京城四排岸領護汴河督輦運舊時歲役浚河夫三十萬主者因循但令挑沙擁岸遇河水泛溢中流復淤德權以沙盡至土為限棄沙隄外遣三班使者分地主其役以大錘試築隄之虛實植樹數十萬以固隄岸大中祥符元年京師外城女牆圯缺水道壅塞德權奏請發兵完築再領京城

倉草場奉詔決金水河爲渠自天波門至乾元門歷天街東轉繞太廟
皆築以礮壁植以芳木車馬所經累石爲梁開作方井官寺民舍皆得汲
用復引東由城下水竇入於濠京師便之三年出知泗州占謝日自陳臣
久領京務頗慮中外觀聽謂臣貢道外還願稱進其秩詔改西梁院使至
任踰月卒子平爲豫州定遠主簿

劉彝字執中福州人幼讀書必求其義而後已胡瑗在湖州時彝往從之
學者數百人彝爲高第瑗稱其善治水凡所立綱紀規式幾力居多慶曆
六年第進士爲邵武縣尉調高郵主簿移海州胸山令治簿書恤孤寡作
陂池教種藝平賦役抑姦猾振遊惰凡所以惠民者無不至邑人紀其事
爲一書曰治範熙寧初召對神宗問從學何人彝對曰臣少受學於胡瑗
因言臣師瑗始自蘇湖終於太學二十餘年專功學校出於門者無慮二
千餘人神宗曰瑗門人今在朝爲誰彝曰若錢藻之淵篤孫覺之純明范
純仁之直溫錢公輔之簡諒皆陛下所知也其外明體適用教於民者殆
闕侯縣志 六三 列傳二上

十餘輩其餘政事文學顯出於人者不可勝數神宗悅擢荆湖北路轉運
判官留爲制置三司條例司屬官以言新法非便罷神宗擇水官以彝悉
東南水利除都水監丞久雨汴漲議開長城口彝請但啓楊橋斗門水卽
還尋奉命同程顥等行視諸路農田水利徭役利害還遷都官員外郎出
爲兩浙轉運判官改知處州俗尙巫鬼不事醫藥彝著正俗方以訓斥之
俗遂變歲錢民多棄子於道彝揭榜通衢招人收養日給廣者米二升每
月抱至署省視民利所給爭字之復推行各縣鎮嘗以事至京師詣宰相
曾公亮公亮曰久知都官治狀屢欲進推讓論恐有不合姑少遲之吾終
不忘也彝曰仕宦淹速誠伸蓋有命焉公亮嘆曰吾待罪政府將十年惟
聞君此言加直史館七年三月代沈起知桂州遣官入溪峒點集土丁爲
保伍授以陣圖使歲時肄習繼命指揮督鹽運於海濱因集水師教水戰
禁止州縣與交人貿易交人震擾已而有旨得止絕安南和市命未至
而交人已陷廉欽邕三州彝又不救邕州之圍九年言者論彝安生邊事

青瑗檢校水部員外郎均州團練使隨州安置又除名爲民編隸涪州徙
襄州元祐六年天子思彝治水功復以都水丞丞還道卒所著有七經中
義一百七十卷明善集居陽集各三十卷紹聖初郡守溫益立五先生祠
於學以彝與陳襄鄭穆周希孟陳烈同祀焉

許將字冲元嘉祐八年進士第一人歐陽修讀其賦謂曰君辭氣似沂公
未可量也簽書昭慶軍判官治平中代還當試館職將辭曰起家爲官本
代耕爾願以守選餘日讀所未見書宰相善其志以通判明州神宗召對
除集賢校理同知禮院編修中書條例熙寧四年自太常正當轉博士超
改右正言是日宰相王安石擬以李定章惇直舍人院神宗曰許將狀元
及第新除正言何不令入院明日遂直舍人院又明日判流內銓皆神宗
特命舉朝榮之初選人調擬先南曹次考功綜核無法更得緣文爲奸選
者又不得訴長吏將奏罷南曹關公舍以待來訴者士無留難七年進知
制誥特勅不試而命之時契丹以兵二十萬壓代州境遣使請畫地歲聘
闕侯縣志 六三 列傳二上

使不敢行以命將將入對曰臣備位侍從朝廷大議不容不知萬一北人
言及代州事不有以折之則傷國體遂命將詣樞密院閱文書至北境肄
射將先破的契丹使蕭禧館客禧果以代州爲問將隨問隨答引故事屢
屈之禧又曰渠界未定願和好體重吾且往大國分畫矣將曰此事申飭
邊臣豈不可何以使爲禧不能對歸報神宗善之以將知審官西院直學
士院判尚書兵部時河北保甲陝西河東弓箭社閭閻楚槍仗手雖有名籍
其多少與年月不均以致閱按無法將一切整攝之元豐元年進翰林學
士遷起居舍人兼侍讀未幾權知開封府爲同進所忌二年命知禮部貢
舉會饒州進士虞蕃訟大學不公事下開封府推治詞連上舍生既逮就
對而通禮部試將奏以無罪出之已而蕃復訟將亦當薦親知於直講詔
移御史臺付蔡確舒亶鞫之將父子逮入御史府踰月得解然將竟坐釋
上舍生不實落職知鄆州四年除龍圖閣待制知秦州復爲宣所論道還
勅告五年依前詔除官知揚州改知鄆州上元張燈更籍爲盜者繫獄將

曰是絕其自新之路也悉縱遺之自是民無一人犯法三圖皆空郡俗
子喜聚肆以謗官政將雖弗禁其俗自息六年召爲兵部侍郎條奏八事
以爲兵之事有三曰禁兵曰廂兵曰民兵馬之事有三曰養馬曰市馬曰
牧馬兵器之事有二曰結作曰給用及西方用兵神宗遣近侍問兵馬之
數將立其上之明日訪樞臣不能對也入年遷龍圖閣直學士知成都府
元祐三年再爲翰林學士四年拜尚書右丞三省樞密院議以張利一
守約爲軍帥宰相呂大防等既進擬神宗中旨欲用王文郁姚兪將始與
宰執同議至是復密疏利一不可用御史中丞蘇轍等交章論其短同主
意衛直賈友罷爲資政殿學士知定州八月移知揚州數月復移知大名
府會黃河東北二議與有旨依都水監所奏作大河北流軟堰將上疏曰
度今之利若舍故道止從北流則慮河下流已涸而上流橫潰爲害益廣
若直閉北流東徙故道則復慮受水不盡而破隄爲患竊謂宜因梁村之
口以行東因內黃之口以行北而盡閉諸口而絕大名諸州之患俟春夏

閻侯縣志 六三 列傳二上

四

水大至乃觀故道足以受之則內黃之口可塞不足以受之則梁村之役
可止兩不能相奪則各因其勢以待其後如是則水性得人力省民心固
而河之順復有時可以保其必無害也後竟用都水監回河議將言格不
行紹聖元年召爲吏部尚書遷尙書左丞四年進正議大夫中書侍郎章
惇爲相與蔡卞同肆羅織貶謫元祐諸臣奏發司馬呂公著家斷棺暴
尸三省同進呈將獨無言惇等退哲宗留將問曰卿不言何也將曰發家
斷棺非盛德事哲宗曰朕意與卿同乃不從惇卞議方黨禍作或舉漢唐
誅戮故事哲宗以問將對曰二代固有之但祖宗以來未之有本朝治道
所以遠過漢唐者以未嘗輒戮大臣也哲宗然之將嘗議正夏人罪以涇
原近夏而地廣謀帥尤難乞用章惇果有功德宗即位進門下侍郎撫
定鄯廓二州邊臣欲舉師渡河朝議難之將獨謂外國不可以爽信而兵
機有不可失既已戒具願遂從之未幾提書至將以復河湟功轉特進凡
居政地六年御史中丞朱諤取將舊章表析文句以爲謗訕且謂將見利

則回初無定論元祐間當爲丞轄則盡更元豐之所守紹聖年復秉鈞軸
則陰匿元祐之所爲迨至建中尙此冒居則紹聖之所爲已皆非矣強顏
今日亦復倘安則建中之所爲亦隨改焉遂以資政殿大學士出知河南
府言者不已降資政殿學士知穎昌府移大名在大名六年數告老召爲
祔神觀使政和初卒贈開府儀同三司諡文定子份

份字子文積學能文將鍾愛之蔭爲右承務郎監國子監書庫因得與家
傑遊以博見聞崇寧二年登進士甲科徽宗親覽對策稱歎召對便殿數
奏稱旨除祕書省校書郎未幾兼實錄院檢討官又兼國史編修官不數
月間三被除命皆文字職左史有缺命以份補將引嫌辭歸以語份且觀
其意份具道所以不可者願堅辭免政和初歷官至徽宗間待制同修國
史出知鄧州兼荆南西路安撫使轉朝奉大夫特封開縣開國子政尙寬
簡聽訟務達民情子決皆出自已黠吏無所容其奸民相戒不犯鄉路歲
饑流移徧野有詔賑濟份親爲處畫列屋舍具器用別旗物鳴鼓而食之

閻侯縣志 六三 列傳二上

五

每三日一親臨視勞問病苦給以醫藥活饑民一萬六千餘人鄧有百花
洲歲時遊賞之地其西爲太守蔬圃份命按蔬建堂與民同樂還朝提舉
萬壽觀上殿論時政得失言頗激切爲用事者所忌徽宗曰此許將子朕
舊知之議乃不行時相猶私遣人謂份曰上以公南陽之政欲再除要郡
宜自擇份曰朝廷任使何敢擇地願得鄉郡以便歸老及除蔡州亦不辭
而行進封開國伯察俗器訟無賴因椎剽爲盜衣冠子弟亦冒犯法紀份
痛鋤之羣盜盡遁風俗大變嘗有欲爲不軌者搗榜於道羣情撼動份召
捕盜官指按方略不數日黨與悉就獲改知揚州兼淮南東路兵馬鈐轄
過關請對曰臣聞本路士民之居凡有花木竹石皆爲應奉司封記人情
騷然願罷之又言揚爲東南一都會惟有江都天長兩縣不足以給經費
願更以泰興爲屬又近年經賦之外增上供九萬四千餘石民不堪命願
如政和三年舊額金人犯闕徽宗南幸至維揚倉卒中份躬自料儲一切
以州署爲行宮諸供具不擾而辦設幕次於行宮旁以宿衛徽宗命份彈

歷行宮一行軍馬及議欲渡江份力陳不可請歸安天下之養徽宗乃留后妃親王帝姬等委份護衛一幸鎮江而還除份龍圖閣直學士再任揚州其冬金人再入寇份檄一路兵入援解亳州之圍漕糧以給東道總管司千里不絕時諸路勤王之師至集所至或剽掠各州多不聽入城份大啓城闔至者撫勞而去援兵皆秋毫無犯及聞徽欽二帝北狩號絕仆地得康王太元帥府檄書謂僞屬曰此眞主也卽上表勸進高宗卽位於南都份表言揚州控帶江淮城壁新修錢糧粗足若聚兵西北奉迎鑾輿則軸輿灌輸督促而至足以饋師而又南至金陵東抵錢塘一有緩急可以據依望決大計移蹕維揚優詔不允覃恩進文安郡開國侯有旨召赴行在份以積憂成疾力請宮祠遂提舉亳州明道宮由浙江歸東山大乘寺名利也極林泉幽勝份多遊焉紹興三年卒於城東僧舍

王祖道字若愚治平三年進士又舉制科會罷調韓城尉知松陽白馬二縣爲司農丞元豐初遷監察御史裏行疏言陝西四十二將河北京東府閭侯縣志六三 列傳二上

本

界三十七將皆朝廷所選擇然尚多庸人其餘淮浙福建荆湖交廣雖有團結訓練之法而未見教閱案試之實望密下諸路經畧監司體量將副去其疲弱不稱事者復論河朔三帥章衡守眞定韓忠彥守瀛關韓絳守定武皆非可專閫外之託望擇左右侍從之臣總戎北方或不限資格擢試可用之材易舊帥而代之不從祖道在臺以數言事改司封員外郎出知汀州移知泉州元祐三年除江南西路轉運判官尋權發遣江東路提點刑獄徙權發遣福州元符元年入爲戶部員外郎轉吏部員外郎先是祁水使者吳安持等倡回河之議已而河水壅決汴浸清豐內黃等縣令祖道體訪以聞祖道奏元豐中議移深州於饒陽安平適乘事機其後主東流者謂移州三十萬之費可以回河此議遂寢今大河復北流深州歲用稍草兵夫不貲以此爲移州之費不猶愈於歲歲無窮之慮用耶伏望聖斷特降指揮遷徙州民亦今日治邊之機事也哲宗以祖道言爲然擢左司諫徽宗朝加直龍圖閣知桂州是時蔡京當國銳意開邊祖道欲乘

時微富貴以金帛誘王江酋楊晟免等使納土夸大其辭王江在諸江合流之地山川形勢據諸峒要會幅員二千里宜開建城邑控制百蠻以武臣爲守置溪峒司主之詔以爲懷遠軍又言黎人爲患六十年道路不通今願爲王民得地千五百里遂以安口隘爲允州中古州地爲格州置提舉溪峒官三員又言羈縻地州文州蘭州那州皆內附請於黎母山心立鎮州爲下都督府賜軍額曰靜海知州領海南安撫都監徙萬安軍於水口都巡檢劉惟忠謂得文闌不若取南丹之利因誣其酋莫公佷阻文蘭不令納土擒而殺之祖道不察事實上其功京大喜乃築懷遠軍爲平州格州爲從州南丹爲觀州並允地文蘭那五州置黔南路提祖道顯謨閣待制進龍圖閣直學士召爲兵部尚書未行與融州張莊謀使莊奏言海南一千二十峒皆已團結所未得者百七十峒今黎人欽化則未得者才十之一耳於是公侯第公晟結溪峒報復羅黎渠帥不勝忿蜂起侵剽圍新萬安軍及觀州殺官吏初祖道徙城時言黎人伐木助役及是詔問不

閩侯縣志六三 列傳二上

七

能對京庇之猶除端明殿學士知復州復以刑部尚書召大觀二年卒祖道在桂四年厚以官爵金帛挑諸夷建城邑調兵鎮戍地瘠瘠戍者歲亡什伍六實無尺地一民益於縣官蔡京皆自以爲功至謂當天下輿圖之半張商英爲相論治祖道誕罔邀功追貶昭信軍節度副使京再輔政復還舊官然其所創名州縣不旋踵皆罷楊拙字持正元祐六年進士元符初以渭州推官攝長汀縣催督租賦不擾而集盜賊嘯聚捕治首惡境內肅清明年之渭州道由京師上書論紹聖奸臣以元祐爲讐擊立黨錮貶死故老大臣成廢后之謀戮上書之士日食芻見饑饉薦臻皆由於此言甚切直移知建陽縣崇寧三年蔡京專政拙除名勒停大觀間黨禁解起爲建寧節度推官黃唐傳唐傳崇寧二年進士歷官至宗正少卿靖康二年金人犯闕唐傳盡取玉牒獻金帥金帥令充事務官按牒搜押皇族出城張邦昌僭位差權中書舍人高宗登極除直龍圖閣守起居郎尋遷中書舍人黃潛厚之

除廷康也言者論其無名進職唐傳草制極稱美潛厚兄弟潛善擢殿
閣待制潛善罷相御史中丞張徽并論唐傳罪罷職奉祠紹興三年以宰
相呂頤浩薦起除給事中明年殿中侍御史常同奏唐傳獻玉牒事士大
夫至今切齒望賜罷黜以肅百僚舊職提舉太平興國宮二十六年復徵
猷閣待制

李芑字績仁大觀三年進士靖康中待次兩浙常平提舉禁卒殺州帥柳
述古以叛芑徒步諭以禍福卒感動請勸王自贖擢直祕閣建炎初提點
福建刑獄值葉衡入寇自古田攻子城豐樂門芑冒矢石登陣諭之賊乃
退芑汝為反將東下鄉民張毅乘辭掩襲古田帥程邁請芑往招之芑單
車入壘使擒汝汝為自効賊平除知泉州後終左中奉大夫

朱倬字漢章祖敏修元豐八年特奏名授建州崇安縣尉有德政遷知南
安縣父廷佐政和二年進士官太學博士朱氏世傳倬尤精邃未冠以
鄉舉至京補太學內舍生登宣和五年進士第調常州宜興縣主簿建炎

閩侯縣志 六三 列傳二上

八

中金人寇江南居民求避地倬為具舟給食全活甚眾亡何告勞於郡郡
令倬閱實倬為蠲田租至九分或全免守怒既知倬秉志堅確乃倬攝縣
事張浚薦倬召對除廣東路茶鹽司幹辦官再用薦改除檢察福建廣東
西經費財用所屬官紹興四年監察御史明橐宣諭廣南獨謂倬曰宜興
寇至脫民於死者非公耶民至今思之還朝奏倬治績詔進官一等七年
藥再薦於朝時方以劉豫為憂得召對倬策其必敗因論得天下有道在
得民心今西北之民已思見官儀矣陛下當大固其心勿小小傷之因舉
咸平中以戶口增減為計臣之殿最祥符中以雪活冤獄為憲臣之上策
願中戒有司勤郵民隱高宗嘉納特改左義郎以與宰相秦檜忤出教授
越州紹興府參知政事張守帥浙東又表薦於朝除教授諸王宮會有邊
警浙制置使梁汝嘉以倬詳練表攝參謀官有羣寇就擒屬倬與呂稽中
鞠之倬獨黥竄二人餘釋不問知大宗正事趙士益薦其材除新諸王宮
大小學教授言者探檜意劾倬詔附李光變亂是非遂罷職奉祠倬避檜

禍十餘年不出棺死起為南劍州通判建寇阿魏聚徒數千劍興壤接而
卒梗不可用倬以信實擒獲一境賴之還知惠州陞辭高宗曰卿久淹何
所倬曰厄於檜高宗愀然慰諭曰惠陽去朝廷遠賴卿撫百姓如朕親撫
之目送倬去高宗問大臣曰前日之對誰為薦之曰守臣陞辭常典也高
宗令亟召對政府有未知倬者曰已去矣遂除國子監丞還視事八閱月
以職事轉對建請勤郵民隱明年提舉兩浙西路常平茶鹽公事忽特命
自今在內除提舉令朝辭上殿蓋為倬設也倬首登對高宗曰近來內重
外輕今卿以朕親擢之人出為部人皆知內外之任維均又曰人不知卿
惟朕知卿未行擢右正言新制外職捕鹽累及萬斤改京官由是搜索爾
合無少貸倬言姦民夥販私鹽類非貧弱捕者既畏其威或得其賂故多
縱而不言夾帶升斗者類皆沿海單弱之民其勢易制其貧無貽官更利
於積數改秩而必取之犯者相屬誠可憐憫望復舊法凡累及萬斤者乞
減磨勘從之何大圭奉祠歸寄食故相李綱家綱卒而歸其弟鄭億年自
閩侯縣志 六三 列傳二上

九

偽齊還朝賜田二十頃倬抗疏論之大圭落職億年謫南安軍安置尋所
賜田二十九年二月遷守侍御史奏罷福建安撫司官賣鹽以寬民力秋
八月差國子監發解所監試官冬十二月除試御史中丞嘗謂人主任我
以耳目託我以腹心此非報怨任氣之地所言必上答天心不為子孫植
荆棘也每奏疏輒夙興露告朝論方長言邊備倬悉力開陳言詳氣定雖
逢主怒不懾在言路久薦人論事以至與利除弊無慮數千條章奏率焚
藁不傳經學醇深侍經筵高宗多所稱善三十年知貢舉得劉朔論買誼
通達國體在於豫建太子擢為第一倬平時嘗以此密啓高宗是年二月
立孝宗為皇子及出閣復以朔所論奏陳高宗稱善者再進封孝宗為建
王制出中外大悅逾數月進倬參知政事三十一年加左通奉大夫拜尚
書右僕射同平章事月餘詔提舉三朝國史詳定一史進封開國公金
主亮南侵倬陳職備應三策且謂兵應者上高宗曰卿所言三策甚當朕
書於座右朝夕思之敵勢寢迫倬復論敵三事上高者為耕築計中焉者

守備下則妄意絕江金人必出下策可無患焉既皆如倬所料高宗自建康回鑾有內禪意倬徐奏曰靖康之事正以傳位太速蓋姑徐之殿中侍御史張震右正言袁孚與倬有怨聞其語撫倬他事連疏攻倬皆留中倬不自安求去內禪前一日詔以觀文殿大學士提舉江州太平興國宮孝宗即位復論不已降資政殿學士明年王大寶復劾之致仕卒詔復原職賜諡忠靖倬學問淵博高宗事無大小必以咨倬有議欲編民助軍者倬力止之倬所薦如陳俊卿王之望芮燁一時以為得人史浩虞允文王淮劉珪之進用倬亦皆有力焉嘗得鼻衄疾孝宗和藥賜之詔同知樞密院黃祖舜拊問而倬竟決然去矣孫著

著字公明淳熙十四年進士嘉定中應權發遣道州軍州事前參政衛涇為著持身廉潔為政寬和召除太常少卿累擢刑部侍郎轉吏部侍郎寶慶初著侍講進讀高宗寶訓孝德終卷奏言高宗當中興艱難之初欽事慈寧太后始終極孝願陛下以高宗為法理宗嘉納二年拜吏部尚書

未幾致仕

閩侯縣志 六三 列傳二上

十

陳彌作字季若紹興八年進士初為莆田縣丞歷太府寺丞福建路轉運判官時劍建邵汀百姓苦上供銀之弊彌作獻本司錢二十七萬餘緡乞代上游四郡輸納使有司不得科歛民甚德之隆興二年被詔措置平江府水利彌作開濬港澮盡斥勢家園田由是流通無滯塞愚議提舉四川都大茶馬召至行在賜對會孝宗慮治獄吏多詆欺弄法欲取公平不撓者用之以問左僕射葉顥顥曰陳彌作近自蜀地還其人獨立不避事可任也遂除大理少卿未幾擢兵部侍郎首奏六部印藏於官以牌出入而胥吏用於戶外或借用於他廳近有偽為文武盜印以支錢糧者有偽作奏鈔盜折御寶而改秩者皆慢藏有以誨之於是詔三省申嚴戒飭復請住罷福建鈔鹽得旨施行轉兵部侍郎兼權尚書出知潭州遷敷文閣直學士丐祠提舉江州太平興國宮淳熙四年起知泉州辭免不允數月移知温州請老致仕

黃瑀字德彞登紹興八年進士第補饒州司戶參軍提點錢官欲市治工餘糧以規利強瑀高其估瑀不可則怒欲中以法求瑀罪無所得乃反欲薦之瑀又謝不受歲旱州守洪皓檄屬縣民田當免租者瑀請免之什九而行他縣者以什一告皓以為疑既而皓使視諸縣獨瑀所行縣民無流徙皓善瑀所為而薦之調湖北轉運司主管帳司改知永春縣遷兩浙轉運司幹辦公事有獻鬻公田之策者轉運使檄瑀視之瑀歷諸郡稔知多寡輕重不均之弊極言其不便貴將楊存中請地廣營實規為觀遊以率權幸瑀復被檄往視還曰營卒雖眾度地若干畝而足今所請地且數倍卒皆罷之權知秀州華亭縣值大饑白常平使者發廩以賑使者曰當俟奏報瑀曰民命在朝夕苟可以生之雖重得罪不悔退即發常平廩賑之吏部侍郎汪應辰侍御史汪澈交章薦瑀才除御史臺檢法官未幾擢監察御史會以病在告殿中侍御史杜莘老素與瑀以節義相勵一日來問疾告曰吾今日擊去王繼先矣瑀探枕中片紙示之所謂疏繼先罪狀

閩侯縣志 六三 列傳二上

士

甚悉蓋稿已具而未上者居無何莘老以論宦者張去為不報求去瑀就與別喟然太息曰君厚自愛吾亦從此逝矣即日疏請外除江南東路提點刑獄徙轉運副使視事旬日改知漳州丐祠主管台州崇道觀乾道二年卒瑀處兄弟族姻周負振乏必竭其力卒之日家無餘財子景東幹景紹興三十年第進士歷官江南西路提刑司檢法官東陸援將仕郎歷沙縣丞知吉州萬安縣調撫州樂安縣卒於官幹另有傳

鄭湜字溥之父員紹興二十七年進士應樞密院編修官奏對稱旨孝宗

將擢之為大臣所沮終京西路轉運判官湜乾道二年進士光宗初以中書舍人羅點薦為祕書郎兼權吏部侍郎因轉對言三代以還本朝家法最正一曰事親二曰齊家三曰教子願陛下盡事親之道以全大孝嚴家法之義以正內治之紀綱明教子之才以肅萬世之基本又曰道路之言頗謂宮中燕飲頗仍費用倍加便嬖使令往往親昵中外章奏付出稽緩願陛下奮發乾綱一洗舊習疏留中初湜與吳縣周南遊得見是奏稿會南

對策因以光宗未報提疏為諷有司擬南第一光宗讀疏顧大臣曰提疏
入才六日南何自知之遂降南第并出提舉浙西常平改知建甯府慶
元初權起居郎權直學士院既而草趙汝愚罷相疏有持危定傾等語韓
侂胄惡其無貶詞免直學士院因罷去入僞學黨籍侂胄誅再起刑部侍郎卒謚文肅

趙煜字景明其先太康人父格建炎間避地閩縣因家焉煜少孤自立勵
志力學乾道三年登進士第授左承事郎簽書奉國軍節度判官廳公事
郡將為苛政人情不堪屬吏無敢白事煜平氣直辭與之爭可否郡將初
亦受之久而怒其拂已也輒搆摭之煜即日投劾去兩易兩國軍未赴改
差監潭州南嶽廟尋差充詳定三司勅令所剛定官時復置敷局遴選名
士以煜為之煜雖在下位朝政有大闕失必危言極論時富國者以恢復
為已任功利之說遽起如造甲葉堯士兵團民保招其家檢括虛場增稅
廢畝新政異令紛然不一煜因輪對條陳大要以寬民力結人心治軍旅
閩侯縣志六三 列傳二上

理財賦為急又嘗面詰時相辭氣憤激無所畏忌時相雖不樂矯情謝之
力旬外補出知撫州撫俗曠墾明教條嚴約束破姦發伏豪民猾吏消
縮摧沮屬邑有大姓武斷鄉閭會有告者具得其姦狀真之法閩郡稱快
湖南狂寇衝突旁郡官吏並緣為擾民不莫居煜移文屬邑嚴保伍之法
重科配之禁民恃以不恐既而調禁卒輩飽餉訖事無譁一方按堵至損
租耗以利民捐公田以養士約郡賈以登浮梁凡可以裕民而儆俗者莫
不具舉治行為天下守之最部使者以聞適江西新罹寇擾朝廷擇良吏
以安之謂無以易煜就除本路提點刑獄江右素號健訟煜曰天下豈有
冥頑之俗哉顧教化不明耳于是訓飭告戒揭之通衢有不悛者然後繩
以法久之移節江東如在江右時歲饑番陽流殍盈野煜檄郡發倉實以
與民或曰此常平職也蓋以聞曰若爾則吾民填溝壑矣亟命發之且自
劾尋有指委煜經度煜具為區處自冬徂春所全活數萬人秋滿知甯國
府未行改湖北轉運副使以親嫌自列又改江東提點刑獄煜遺愛在民

去思方切聞復來權忤交慶既至與利除弊不煩設施郡邑相安吏民信
服期年卒於官至臨川日首葺顏魯公祠使人知所敬嚮兄焯字景昭登
乾道壬辰進士第仕至國子監主簿煜事之如父之官必迎以俱煜善政
多焯所贊成焯先二年卒煜快快不樂因以得疾

陳自強字勉之淳熙五年登進士第久之調光澤縣丞年六十矣慶元二
年入都待銓自以嘗為韓侂胄童子師賞緣得見比見則從官畢集侂胄
設褥於堂鄉自強再拜次召從官同坐侂胄徐曰陳先生老儒汲汲可念
明日從官交薦其才除太學錄數月遷秘書郎入館半載擢御史中丞入
臺未踰月遂登樞府嘉泰三年拜右丞相韓侂胄朝權苞苴盛行自強
尤貪鄙四方致書餽必題其緘云某物并獻凡書題無并字則不開縱子
弟親戚關通貨賄仕進干請必諸價而後子有選人入都因其父與自強
有舊求為掌故自強厲聲斥之後旬日竟除掌故或疑其由徑而得者問
之徐曰丞相耳即坐側取一幅書示之乃自強答書也畧曰珍睨鼎至晃
閩侯縣志六三 列傳二上

羅老目或問珍睨之名曰書生安得珍玩適從王家肆中見粟金臺蓋十
具重百星以四千緡得而獻之耳聞者歎息而去都城火及自強之府主
帑吏請筭論於自強自強聞變口喏而不能言論在其衣帶間吏不敢解
由是囊橐所貯一夕為燬燼移居都亭驛平旦百僚往省之事定侂胄首
遣之萬緡執政及列郡聞之莫不有助不數月得六十萬緡遂倍所失之
數初國用司自為國用使招克民財州縣騷動故事無以武臣為平章者
侂胄初欲為之猶畏眾議自強首率同列援典故入奏常語人曰自強惟
一死以報恩王每稱侂胄為恩王恩父而呼堂吏史達祖為兄蘇師旦為
叔吳曦有逆謀求歸蜀厚賂自強乃縱之歸史彌遠建議誅侂胄罷自強
右丞相尋謫韶州中書舍人倪思繳劾乞遠竄籍其家詔從之再謫雷州
死廣州

鄭昭先字景紹淳熙十四年進士調補蒲城主簿嘆曰尚未學乃往受業
於朱熹及至官因獲賊不啻賞為丞相葛邲所知擢知歸安縣欲行太湖

保伍法為豪強撓而止嘉定七年除端明殿學士簽書樞密院事兼太子賓客疏懇辭寧宗手諭曰朕方求當世之彥相與建當世之功有大臣之才不如有大臣度心平量博無逾卿者昭先遂拜命明年除參知政事十二年除知樞密院事兼參知政事久之以疾求釋位拜資政殿學士江南西路安撫使又辭陞秩一等提舉杭州洞霄宮卒諡文靖昭先立朝切直居政府全護人才振拔淹滯嘗言人臣能以文王事紂之心為心則未有不司事之君子能以七子事母之心為心則未有不可事之親景獻太子薨建儲未定昭先請以仁宗為法廟謨始決所著有日湖遺稿五十卷子逢辰

逢辰字伯昌以父廕補官端平初除將作監主簿歷司農寺丞大宗正司丞金部郎中一日國子監祭酒蔣峴與同官會食謂孔子誅少正卯非是逢辰退而譏笑之既而峴除殿中侍御史會逢辰登對言稍訐遂劾逢辰去淳祐初起知衢州修學校寬征斂時史嵩之當國其邑隸包輸楮皮為閩侯縣志六三 列傳二上

五

五邑害逢辰數其罪而黜之一郡稱快嵩之去位范鍾杜範並相除逢辰提舉江西常平首劾戚里吉州守王克謙罪貽冠發郡守王侑告急逢辰以便宜從事調發撫軍勦捕提刑宋慈又調將王舜截寇入南路與逢辰前後夾擊寇密約率都隅總謝元為內應元不敢隱逢辰令陽許之約舜設伏以待大破之慈尋為臺臣所論改任湖南遂以逢辰代慈其後郴州寇迫江西界朝旨復委逢辰討勦盡瘁區畫聲威不減為提舉時入為吏部郎官改浙東提刑尋致仕歸

趙彥侯字簡叔魏王廷美八世孫未冠薦於胃監慶元元年賜進士第歷常熟主簿鄂州法曹夔州錄事參軍因留蜀十年始下置塘改秩知安溪縣繼陳宓後潔廉登弟與宓齊名列紹興府鑑湖久湮俾廳猶按舊額督和彥侯削去之還知惠州陞辭乞令郡邑覈逃絕以定賦入既至視嶺海如內地待夷獠如平民清儉節縮軍府充實除西外宗正未幾改南外宗正攝知泉州兼提舉市舶舶琛滿前吏以例進筮而却之知饒州未至改

擢湖南提刑屬寧宗親政精擇舉刺彥侯首被選巡歷吏卒視舊十省八九民間屈枉皆得自達就除轉運判官權帥事江北警報日至長沙彥侯鎮之以靜雍容如平日樞密院責造戰艦賞以鉅萬彥侯候賊數醜而先期辦集彥侯雖綿歷外官不及與聞時論然憂國憂民遇事輒發其條上便民也如謂盜賊之原在守令宜加精擇又謂湖湘之地大抵卑濕春夏漲潦則田與江通宜檢視蠲豁又謂難勢方強宜以守備為經以和為權久使湖外年老無疾卒彥侯詩律參趣妙一世尤工草書入仕踰四十年晚歸猶待糴而食嘗攝潭帥所入僅五百千貲書其子曰盡以此得一小金徽矣小金徽者唐李勉古琴之號也在蜀值吳曦之變不污偽命所居蕭寺洗剔屋後山名曰東巖北山陳孔碩為之篆扁有詩五十餘卷子三恐夫蔭授宣義郎知長汀縣頤夫登寶慶二年正奏知南劍州珦夫將仕郎

梁成大字謙之開禧元年進士宰縣秩滿因史彌遠家幹萬所擢通判揚閩侯縣志六三 列傳二上

五

州遷宗正寺主簿初彌遠欲攻真德秀魏了翁以察院為餌朝士莫應成大獨曰坐茶肆中毀德秀不值一錢所為達於彌遠大悅寶慶元年冬轉對首言大佞似忠大辯若訥或好名以自翫或立異以自詭或假高尚之節以要君或飾矯偽之學以欺世言若忠鯁心實回邪一不察焉薰蕕同器涇渭難流矣蓋指德秀了翁也章上六日即除監察御史了翁既貶靖州德秀亦落職罷祠並毀其所建宏詞坊成大復奏以為罪大罰輕彌遠勸理宗下其章理宗曰仲尼不為己甚成大遺人書曰真德秀乃真小人魏了翁乃偽君子此舉大快公論明年三月又奏楊長儒寢新命徐瑄追三秩移象州居住胡夢移欽州編管是冬拜右正言紹定元年進左司諫四年遷宗正少卿五年權刑部侍郎明年彌遠死理宗夜降旨黜之提舉千秋鴻禧觀給事莫澤本彌遠黨急欲別異上疏駁之遂寢祠命端平初洪咨夔吳泳交章論駁錫兩秩派復上疏送泉州居住王遂論亦上再錫秩徙湖州成大心險而貪凡可賊害忠良者率攘臂為之四方賂遺列真

堂廡實至則導使觀欲其效尤其除刑侍也或云亦緣進吐綬難得彌遠
歡尤喜豪奔至冒占宇文氏賜第既歸訟者百數竄之日朝命毀其廬
其黨李知孝小人也亦曰所不堪者他日與成大同傳耳

陳公益字謙父嘉定元年進士官至兵部侍郎兼侍讀紹定六年經筵奏
乞以御製敬天法祖事親齊家四十八條宣付史館公益等撰述箴辭附
各條之下揭於緝熙殿朝夕省覽

潘周伯字宗之陸補將仕郎嘉定辛未銓調常德陽尉改郴州桂東縣
丞時東南盜作江西之舒慶二黃十五閩之晏頭陀羅五官郴州之高垓
衡州之妙甫則扶友黨謝了員包全李纂九皆其最桀黠者也自紹定乙
丑朝廷調兵遣將憂勞凡數載桂東邑在萬山之中為湖南江西廣東三
路門戶乃黑風洞羅李二巨賊窟穴也臺閩以周伯辟周伯慷慨就職俄
擢道高垓寇桂陽檄攝令事桂陽以城危告周伯曰解圍不如攝虛自提
官軍義勇入戰賊洞中簿尉何琛死於陣周伯氣愈厲相持幾谷數日出

閩侯縣志

六三 列傳二上

六

奇掩襲高垓先奔諸黨隨潰桂陽圍遂解帥司益知周伯能一以招撫委
之周伯曰屈以力易得其心難吾為張綱可也單車造賊巢穴不以兵自
隨羣獍競出聽命適廬陵守趙彥覃江西提刑魏大有以檄求援周伯遣
七甲義士助之於是監首舒慶二自隕黃十五乞降臺閩皆以義士功居
多爭上其事周伯又為儲粟治藥樹立義塚使飢者死者有所資郵
死事之家旌孝婦之節新學宮還教導員贗俗為之一變添差通判潭州
嘉熙元年蒙古犯邊邊帥檄周伯以七甲三洞策應周伯即日就道集
壯勇八百人直抵壽昌突圍以進虜酋驚顧曰赤脚蠻兵來矣遂退去制
府上功得旨全軍補轉三官貢赤脚蠻之聲遂振於境外秋滿除監左藏
東庫無何出守潯州一年安撫使謝達狀周伯治行累數百言上之不報
繼知韶州以父諱辭改知梅州未上朝廷以黃平為慮改知靖州周伯亦
喜於自用初周伯以守潯陞辭痛言蜀廣可通之路貽變其下之江宜豫
為經畫時蒙古師幹腹之兵尚未確傳其必至也後果由蜀江而下人始

服其先見尋擢廣東安撫司參議官時有諫官里居者欲請大奚山墾田
同僚憚其聲勢嚙齟聞筆周伯獨奮然曰此盜窟也不許生聚種植其間
著在令甲是烏可許事遂寢未幾請老卒於家積階至朝議大夫

梁應庚字本仁號止堂寶慶二年擢進士第調南安主簿以母老不赴母
卒應庚曰母亡矣吾何仕為汀守李華高其行辟為武平主簿敦勸之出
武平瘴鄉盜窟應庚感華知已勉為一出俄攝令清介自守四勦強寇民
呼為慈父繼守張紳以勞績上得旨與堂除差遣丁酉堂差江西節制司
準道端平三年郊祀夕雷雷應庚上疏論時事皆人所不敢道者改辟兵
鈐司峒寇作應庚多所宣力自是胡泓胡適程元鳳劉克莊徐經洪天賜
厯薦不起終詔除直祿閣卒

林彬之字元質徙居莆田端平乙未與西山典舉以詞賦第二人擢第教
授惠陽士論翕然再調福建常平司幹官時議權閩鹽上書帥漕力爭議
為寢甲辰謁選除書庫官選武學論出通判福州兼西外丞鄭清之當國

閩侯縣志

六三 列傳二上

七

以國子監主簿召九月為明禋舉冊官讀祝冊音節清亮擢監察御史兼
崇政殿說書因疏論天命人才民心皆關國大體次言括田之害次言皇
嗣富建又言朔遠用鄭損棄閩中史嵩之招北兵入城遂貽襄蜀之禍兩
淮百姓逃死沙洲邊臣畏敵如虎連江浙米以餉兀坐之兵竭大農財以
守不耕之野中虞減水困魚之計人皆以為至言已酉春又言雷雪大作
積陰朔月必有召怨於民者備陳和羅征權括田之害四月朔日食又言
扶陰抑陽三事仲冬雷又言宜正儲號理宗曰朕志已定有密疏嵩之者
復以扶公論擬定力為請理宗曰嵩之斷不復用壬子除殿中侍御史仍
侍讀趙與憲尹京以心計市寵無敢言者首疏攻之東裝俟命理宗使程
元鳳諭之元鳳辭曰臣嘗與同臺知其必以死諍趙特上省無去意彬之
以臺牒趣之理宗疑非舊典或陳袁詔尹京為臺牒攻去故事乃出趙帥
越俄而余晦尹京以私意辱右庠之士彬之率同列奏罷之吳子明除大
理丞謝暨除知嚴州彬之又言子明以恩澤補右選換文守未考內除班